

*Infusam turbam, & campos iubet esse patentes.*

*Tum lecti iuvenes, armis, ostróque superbi.*

*Frenatis lucent in equis, ac ordine longo*

*Robora dura ferunt, praefixa hastilia ferro.*

*Heros marmoreo tandem se limine promit,*

*Quem bicolor maculis Calaber, Neptunia proles*

*Portat equus, fulvum mandens sub dentibus aurum,*

*Collectosq; premens tumidis è naribus ignes.*

*Atque ubi Misenus clangoribus aether a pulsat,*

*Et vocat ad pugnam: ferrata calce fatigat*

*Cornipedem: dat lora manu, se flectit in armos:*

*Fraxineamq; trabem certus prae tendit, & omnes*

*Quos habet aduersus cursuq; ictuq; laceßit.*

*Tantus amor suadet tractare per ocia bellum,*

*Quòd Martis simulacra placent, & ludus in armis.*

*Sape iuuat, tectis medijs, hiemalibus horis,*

*Fulmineum vibrare ensẽ: transmittere discum:*

*Sive pila iactu colludere, sive lupatis*

*Cogit equos flecti in girum, gradibúsque sonare*

*Compositis: superare etiam modò cursibus auras.*

*At dum triticeas messes exurere Titan*

*Incipit, & rimis terras proscindere crebris:*

*Tunc solet è ripis undosum frangere nando*

*Indutus thoraca vadum, liquidasq; per undas*

*Alternosque pedes, lentosque mouere lacertos.*

*Omnia virtutis sunt hæc spectacula summa,*

*Et celebris nunquam peritura insignia laudis.*

*Ter felix dicende SIMON, cui contigit uni,*

*Arte laboratos tectis emittere libros,*

*Magnanimi summique DVCIS sub nomine claro,*

*Inuidia hos ideo, & Momus venerabitur omnis.*

INDEX